

元始无量度人上品妙經卷之八

清微金科品

道言昔於妙極天中靈洞霄音泰立化境受元始度人清微金科无量上品元始天尊當說是經周迴十過以召十方始當詣座天真大神上聖高尊妙行真人清微九聖上元天官衛法仙王無鞅數眾乘空而來玉光綠輿三素飛雲羽葆流輝立虛散霞丹景浮英晃耀太空七日七夜諸天陽館陰宮金闕瓊樓羅列真文靈風扇霄隱韻生音元綱停運雙曜高明一國地土山川林木緬平一等無復高下土皆作碧玉無有異色眾真侍座元始天尊立坐空浮九色神龍之上說經一徧諸天大聖同時

道藏輯要

度人妙經

三

角集二  
大上八

稱善是時一國男女各運精誠願見立妙說經二徧靈府虛明廓然開悟說經三徧神炁混合坐觀十方說經四徧了悟在心轉能化誘說經五徧未來眾生廣為接引說經六徧證天仙業修上直道說經七徧超出三界為天種民說經八徧得見元尊神靈位號說經九徧注籍清微名上金科說經十徧與聖合真永斷輪轉是時一國是男是女莫不傾心皆受護度咸得長生道言是時元始天尊說經一徧東方无極无量品注生大神無鞅之眾浮空而至說經二徧南方无極无量品執憲大神無鞅之眾浮空而至說經三徧四方无極无量品定名大神無鞅之眾浮空而至說經四徧北方无極无量品司化大神無鞅之眾

浮空而至說經五徧東北无極无量品簡奏大神無鞅之眾浮  
空而至說經六徧東南无極无量品敷教大神無鞅之眾浮空  
而至說經七徧西南无極无量品權變大神無鞅之眾浮空而  
至說經八徧西北无極无量品糾察大神無鞅之眾浮空而至  
說經九徧上方无極无量品監觀大神無鞅之眾浮空而至說  
經十徧下方无極无量品成德大神無鞅之眾浮空而至十徧  
周竟十方无極天真大神一時同至一國男女傾心歸仰來者  
有如細雨密霧無鞅之眾迨國一半土皆徧陷非可禁止於是  
元始結清微玄妙之炁化一寶珠光如大星在空虛之中去地  
百丈元始登引金科生真玄變高尊化炁真人十方无極開導

道藏輯要

度人妙經

三

角集二

大神無鞅數眾俱入寶珠之中天人仰看惟見勃勃從珠口中  
入既入珠口不知所在國人廓散地還平正無復欹陷元始即  
於寶珠之內說經都竟眾真監度以授於我當此之時喜慶難  
言法事粗悉諸天復位倏歛之間寂無遺響是時天人遇值經  
法普得濟度一切羣生皆證善緣傾土歸仰咸契虛明妙見妙  
聞妙覺妙知妙有妙無妙合妙離妙變妙化言符至道心行大  
慈齊同立悟清正無爲國安民豐欣樂太平經始出教一國以  
道預有至心宗奉禮敬皆即受度

道言元始天尊說經中所言並是諸天化炁帝皇道君隱名聖  
號十方无極高真上靈內諱立章亦是九壘立極生音百廢考

試之文非世之常辭上聖刻錄金科祕在清微威禁至重鬼官  
不可得聞玉虛洞之太極太清四境三十九天神仙真人能悉  
其章誦之十過聲振圓羅太一監臨保安天地億劫無傾五辰  
順道日月常明境土安甯永保太平回屍起死白骨成人太空  
飛仙誦之十過則五老保舉三界稽首大魔伏謁天官上功升  
入洞真永侍元尊九宮地仙誦之十過元老降庭隨願濟拔大  
惠含生玉詔司迎上登天宮輕誦此章身則被殃供養尊禮門  
戶興隆世世昌熾與善因緣萬災不干百靈護身斯經尊妙獨  
步玉京度人无量爲萬道之宗巍巍大範德難可勝

道言凡誦是經十過諸天齊到億曾萬祖幽魂苦爽皆卽受度

道藏輯要

度人妙經

三

角集二

上升朱宮格皆九年受化更生得爲貴人而好學妙經功滿德  
就皆得神仙飛升金闕遊宴玉京也上學之士修誦是經金科  
注名萬善咸臻皆卽受度飛升南宮世人受誦則靈官降身延  
壽長年後皆得證飛仙之道立功外應神氣內充形神俱妙遊  
行太空此經微妙普度無窮一切天人莫不受慶生死蒙惠上  
天所寶不傳下世至士齋金寶效心盟天而傳輕泄漏慢殃及  
九祖長役鬼官侍經太丹玉童青腰玉女各四十二人營衛神  
文保護受經者身

道言正月長齋誦詠是經開導重泉光照九幽爲上世亡魂斷  
地逮役度上南宮七月長齋誦詠是經奏簡清微名上金科身

得神仙諸天書功黃籙白簡削死上生十月長齋誦詠是經三元曜明功歸帝君爲國主人王君臣父子安鎮國祚保天長存世世不絕常爲人君安鎮其方民稱太平八節之日誦詠是經天仙奉迎得爲九宮真人本命之日誦詠是經魂神澄正萬炁合仙不經苦惱形運昇遷暉映八冥五帝臨軒萬神朝禮名書上天功滿德就飛升太玄

道言行道之口皆當香湯沐浴齋戒入室東向叩齒三十二通上聞三十二天心拜三十二過閉目靜思身坐青黃白三色雲氣之中內外翳冥有青龍白虎朱雀玄武獅子白鶴羅列左右日月照明洞煥室內頂生圓象光映十方如此分明

道藏輯要

度人妙經

三

角集二

出州人

密咒曰

无上玄元太上道君召出臣身中三五功曹左右官使者侍香玉童傳言玉女五帝直符直日香官各三十二人關啓所言今日吉慶長齋清堂修行至經无量度人願所啓上徹徑御

无上三十二天元始上帝三尊几前

畢

引炁三十二過東向誦經

元始无量度人上品妙經

元始洞玄靈寶本章清微金科上品符應度人天真隱諱結氣自然混合玄文中藏至精虛皇開劫生育諸天洞光廓落三氣飛騰包含大象植立天根青編金簡普錄神靈恢張正道赫奕冥冥雙元飛景五炁流形洞明變化羣類生成是爲冲妙萬道之宗太微陽華紫霄瓊宮上通大羅虛梵高空三真杳漠無極無窮赤混太無玉境居尊應見十方无量化身敷教清微注籍金科中有諸天萬帝之名中有玉皇正行遊梵之帝中有山川海嶽之形中有羣魔考試之文中有三天洞真洞玄洞神開天立極大憲飛輪我今宣示普召百靈三元同會諸天臨軒

道藏輯要

度人妙經

三

角集二  
川文三

東方无極注生神王長生大聖无量度人

南方无極執憲神王長生大聖无量度人

西方无極定名神王長生大聖无量度人

北方无極司化神王長生大聖无量度人

東北无極簡奏神王長生大聖无量度人

東南无極敷教神王長生大聖无量度人

西南无極權變神王長生大聖无量度人

西北无極糾察神王長生大聖无量度人

上方无極監觀神王長生大聖无量度人

下方无極成德神王長生大聖无量度人

十方主錄金科神王飛天度世无量大神並乘騰耀瓊輿景霄  
華輦三素飛雲驂駕天馬斑獸耀晶蒼龍建鳳真之節流光大  
旛左備九天羽衛右羅三界神兵太一帝元統制萬靈赤皇導  
前玄老監盟億乘萬騎浮空而來傾光回駕召仙集真清微帝  
氣大洞玄宮九華佐理混合大神總執金科列班奉迎簡閱符  
命仙聖隱名普告三境無極高尊太霄玉闕劫仞瓊峯紫微北  
府三十九君七轉七變回水舞天玄微結璘下統羅酆曲晨飛  
蓋同會東河光啓扇飆運轉天關斗極中方以正崑山開演至  
妙降氣玄丹經緯天地保鎮度人生成化育與我合仙五神清  
朗億劫無傾永度諸天學道之民刻書金簡名奏紫宸紫宸之  
道藏輯要

度人妙經

三

角集二  
川又三

天天帝耀光無色之境梵行

東方八天

琅邱會元天

帝澤力居英

冲構集真天

帝化夕祺分

霄林景暉天

帝庭鬱嶽君

洞宗慶先天

帝領斗監明

格梵飛靈天

帝貫合部延

大方制魔天

帝肇肅志廖

瓊文越章天

帝濛總羅

宇練洞陽天

帝領都陰平

南方八天

定名感真天

帝洞泛景房

玄空耀虛天

帝落寶監章

炎靈奉符天

帝閣鄰古山

玉書赤文天

帝臻化定

丹光啓明天

帝扇揮音

景運紫華天

帝龍濱劫方

極元洞皇天

帝封正延靈

皇範總生天

帝員監利宣

西方八天

道藏輯要

度人妙經

單

角集三

一三八

曇曜召魔天

帝洞皇九雲

洞寂存明叩沖天

帝宣世瓊

紫清太漠洞極天

帝令唱六宗

玉陽妙真天

帝交舒化神

迴風變合天

帝道滋元

流暉曜章天

帝律定瑤華

照元簡氣天

帝梁瓊伯阿

融結正綱天

帝運皇極明

北方八天

化氣升元天

帝眇利持淵

八垣儻空天

帝至冲猷生

飛神降真天

帝微融妙玄

太素干精天

帝蔚京玉童

碧華濟玄天

帝冥敷尙登

三虛極道天

帝臨懷敏皇

太英降房玉史天

帝陳常律賓

太清正宗天

帝梵行緘觀

三十二天三十二帝諸天隱諱諸天隱名天中空洞自然靈章  
諸天隱韻天中之音天中之尊天中之神天中大魔天中之靈  
四玄七虛包含至真金科大格結氣爲文敷化玉清普度天人

道藏輯要

度人妙經

聖

角集二  
川文三

今日欣慶迴風受鍊嚴誓百神刻名文昌列告玄機飛度太素  
合景清微真仙考校萬化同歸東斗授符西斗司直北斗上功  
南斗定籍中斗合延正天無極青帝舉仙白帝驅役赤帝攝氣  
黑帝典錄黃帝制魔統御化育青元道君持握龍躡丹光道君  
執法明曜少陰道君召山開導鬱微道君運幹玄妙中黃道君  
敷令布勅五方上靈至道之元飛行三界總領羣仙變化無窮  
遊觀萬天生成品彙執我威權上真化民混合綿綿紫皇奉命  
收伏妖姦陽光激電照徹艷山清正綱輪明啓元關六天沉魂  
受鍊洞陽神洲大域永保嘉祥休停惡對咸證善緣茫茫萬有  
皆獲長年神飛太無濯氣三華景暉被身灌鍊天河三元上佐



明校百魔敢有干犯定罪懸沙普告眾靈同會圓羅升階進秩

功列金科

清微金科首題三十六字餘列本科

清微混洞玉  
清微混洞玉

虛太禹  
虛太禹

道藏輯要

度人妙經

三

角集二  
三十一

餘元黃紫虛  
餘元黃紫虛

太洞澄太赤  
太洞澄太赤

玄精清虛太  
玄精清虛太

空明高上金  
空明高上金

元科 陽 華 太 大 格

元文

右三天道君玉號隱名告四九之數玉清高玄自然之文朱書青素佩身萬邪莫干灰服治病行之者名書金科

洞元豁落升降圓方茫茫大化周歷龍康土開一氣下布陰陽包絡諸天風梵堅剛玄變流精太素冥冥虛明曠逸无極無形鴻濛元象三道化成八坦清微數極自然玉京開衍金科上篇

道藏輯要

度人妙經

聖

角集二

黃簡碧書八景玄文刻錄神名與道長存混洞騰飛布天彌綸萬景回旋雙曜五辰統御元綱冥合靈根皇老大洞三十九章帝一分元安鎮萬方飛天妙書過度丹光丹光化生九天上靈駕景紫虛御氣玄音綠霞散空布彩騫林三華舞煙回秀流雲扇霄鬱羅明耀長庚千和萬合自然成真真中有神元素道君方諸仙童青華帝尊太乙合景司命迴風執簡持科錄注元功上遊玉清劫初瓊宮太微之內天界之中下極重淵黃闕玄宮回首九壘三十六皇五鎮大域仙島十洲洞天福地无極名山八海四瀆主宰神靈三元官長无量飛仙咸錫真符功書帝宸列班定籍上聞三天三天之上慶會因緣中有清微金科之章

聖境仙音辭參高真

第一諸天化氣清微之音

眇眇大羅上

帝氣降清微

真光耀玉京

攝御正化機

茫茫歷龍康

飛度敗與成

三界化空無

大地淪九淵

元始憫羣類

玉章下五山

二景騰輝光

元綱羅萬靈

洞真秘玉文

靈寶立天根

洞神主玄變

萬品從此生

諸方命天帝

總校長生人

剛風擎地紐

天憲歸皇君

生靈荷大庇

億劫永無傾

道藏輯要

度人妙經

留

角集二

第二金科定籍之章

鳳車舞空輪

停駕鬱山阿

劫初立太空

須延啓三華

元聖閱章籍

空中召靈魔

太清難可度

輪轉如塵沙

憫此去來際

飛仙運謠歌

蕩蕩龍漢基

玄嶽高嵯峨

萬靈會帝所

東井貫天河

濁境逐業緣

沉淪將奈何

誦此清微篇

正氣蕩邪痾

三界諸天民

齊奔濯耀羅

願爾道果成

刻名上金科

永契長生理

億齡焉足多

第三聖境真仙歌曰

圓羅包玉虛

高峙大有宮

騫林覆諸天

九聖步靈風

宴景挹華明

逍遙太无中

下遊洞玄境

控御飛天龍

三十九道君

朝禮虛皇尊

大慈振法音

聖澤常濛濛

勅印啓天關

敷落三景文

玉詔下酆都

拔度長夜魂

鬼官停考對

陽光燭九冥

三塗息苦役

八道運飛輪

羣品保長年

世土永安甯

此三界之上飛空之中真仙歌音參洞章誦之百篇名度南宮誦之千徧魔王保迎萬徧道備飛昇太空過度三界位登仙

道藏輯要



度人妙經

聖

角集二  
xol

公有聞真音靈魔敬形勅制地祇侍衛送迎拔出地戶五苦八難七祖升遷永離鬼官魂度朱陵受鍊更生是謂无量普度無窮有祕上天文諸天共所崇泄慢墮地獄禍及七祖翁

道言此二章並是諸天上帝及至靈真王隱祕之音皆是大梵之言非世上常辭言無韻麗曲無華宛故謂玄奧難可尋詳上天所寶祕於玄都神霄玉清玉府依玄科三萬七千年應運下傳若有至人齋金寶質心依舊格告盟玉清然後而付焉

道言夫天地運度亦有否終日月五星亦有虧盈至聖神人亦有休否末學之夫亦有疾傷凡有此災同氣皆當齊心修齋六時行香十徧轉經三氣合神萬災普消天地清甯降氣玄真金

科玉律伏御鬼神无量之文普度無窮

道言夫末學道淺或仙品未充運應滅度身經太陰臨迴之時  
同學至人爲其行香誦經十過以度尸形如法不壞不傷形體  
堅完魂神徑上南宮隨其學功計日而得更生轉輪不滅便得  
神仙

道言夫天地運終大劫流移星宿錯度日月失明四時失度陰  
陽不調國境歲飢水旱時出疫毒流行師友命過皆當修齋行  
香誦經存思清微金科降陽華之氣太微之神掃除災氛夫齋  
戒誦經功德甚重上消天災保鎮帝王下禳毒害以度兆民生  
死受賴其福難勝故曰无量普度天人

道藏輯要

度人妙經

哭

角集二  
川白上

道言凡有是經能爲天地帝主兆民行是功德有災之日發心  
修齋燒香誦經十過皆諸天記名萬神侍衛右別至人剋得爲  
聖君金闕之臣諸天記人功過毫分無失天中眞王亦保舉爾  
身得道者乃當洞明至言也

諸天中大梵隱語无量音 道君譔

元始靈書清微金科玉篇

東方八天

飛天羅會 淨化漫更 居元梨久

廓落司南 冥陽御直 局荷湄金

加虛沃至 遷書獨分 玉極待貫

貢遷正輪

幾果得都

清羅文雲

宣令嚮淺

才敵靈元

波華風停

氣上呼年

南方八天

山延洞明

玄論康邁

曜略景空

斗綿揮珠

山棘契錄

明旋應符

丹宅洞燄

奎琳指琚

韶眩資荷

瓊府投虛

何竹生育

靈庭柏書

宏朴義華

玄阿宮都

緣桓絳天

紫霄正淨

道藏輯要

度人妙經

四七

角集二

西方八天

畔師霧攜

建晉契輔

太紫迷羅

逍遙薦素

陽唐記方

回曲才至

允悟昊滿

帝宜卷未

耿液交蕩

利咒唯戶

稽門寔奔

鄙廣憫度

照燭離幽

意篆宜慕

先幾允和

登豫琪鞅

北方八天

元簡長光

鼓笑律前

監索數鄰

武明義先

北印極召

龍帝炎煙

神邈迪烏

諸因思般

妙玄六周

絕馳艷丹

孺常慈申

誠虛府閑

寶策勤佐

寫祛秉研

詔系始育

靈題書編

道言此諸天中大梵隱語无量之音舊文字刻書金闕玉樓華  
 房之內以制和三氣安保萬靈字皆廣長一丈天真皇人昔書  
 其文以為正音有知其音能齋而誦之者諸天皆遣飛天神王  
 下觀其身書其功勤上奏諸天萬神朝禮地祇侍門大勳魔王  
 保舉三玄道備剋得遊行三界昇入金門此音無所不辟無所  
 不禳無所不度無所不成天真自然之音也故誦之致神王下

道藏輯要



度人妙經

哭

角集二

觀上帝遙唱萬神朝禮三界侍軒羣祆束首鬼精自亡琳琅振  
 響十方肅清河海靜默山嶽吞煙萬靈振伏招集羣仙天無氛  
 穢地無祆塵冥慧洞清大量玄玄也